

黔南職方紀略

ル 5  
3294  
4





凡 5  
3294  
4

昭和十八年  
十二月三日  
終末





朗溪副長官任氏與長官田氏同管四大村諸寨其  
 先有任俸者陝西三原人宋代以功授武節將軍傳  
 至鑑永樂四年授副長官又數傳至進道順治十五  
 年歸附進道傳子大德大德傳從子賢賢傳子世澤  
 世澤後數傳至永祚見襲職無印屬思南府  
 沿河祐溪長官張氏管沿河水卜圖諸寨其先有張  
 坤義者元代以功授長官累傳至承祿順治十五年  
 歸附承祿傳子純仁純仁傳弟浩仁浩仁傳子錫侯  
 錫侯革職以土舍張錫圭代理錫圭卒錫侯子惟藩  
 襲又數傳至令儀見襲職無印屬思南府



沿河祐溪副長官冉氏與長官張氏同管沿河水卜  
圖諸寨其先有冉家珍者陝西三原人元代以功授  
黔南道萬戶傳至永安明洪武二十三年改授千戶  
洪熙元年改授副長官又數傳至鼎臣順治十五年  
歸附鼎臣傳弟名臣名臣傳弟廷臣廷臣傳子鍾岳  
鍾岳傳子永治永治數傳至瑞煌見襲職無印屬思  
南府

思南隨府辦事六品長官田氏不管村寨其先陝西  
藍田人唐末爲思州刺史五代時黔南陷沒田氏世  
守思州兼有今思南石阡鎮遠銅仁思州地傳至二

鳳宋代授安撫使數傳至仁洪武五年改授思南宣  
慰使傳至宗鼎永樂十一年請改土歸流以其地爲  
思南府授宗鼎子爲隨府辦事長官又數傳至仁溥  
順治十七年歸附仁溥傳子洪國洪國傳子大禧大  
禧傳弟大禕大禕數傳至又新見襲職無印屬思南  
府

安化土縣丞張氏不管村寨其先有張坤元者陝西  
咸甯人元代以功授龍泉坪長官傳至乾福明洪武  
二十八年改授水德江長官萬歷三十三年改授土  
縣丞數傳至試順治十八年歸附試傳子鼎亨鼎亨



傳子天璧天璧數傳至世璽見襲職無印屬安化縣  
安化上主簿楊氏不管村寨其先有楊大忠者山西  
太原人元代以功授思南元帥明洪武二十年改授  
宣慰同知傳至潮海永樂十一年改授水德江副長  
官萬歷三十三年改爲土主簿數傳至天植順治十  
八年歸附天植傳子庚星庚星傳子懋德懋德累傳  
至泰運見襲職無印屬安化縣

安化土巡檢陸氏不管村寨其先有陸公閱者印江  
縣人明洪武七年以功授土巡檢累傳至陽春順治  
十五年歸附陽春傳弟聚春聚春傳子元弼元弼累

傳至祖綬見襲職無印屬安化縣

印江土縣丞張氏管木村諸寨其先有張恢者陝西  
咸甯人元代以功授亞中大夫洪武五年改印江長  
官司累傳至鶴齡以罪割其地爲印江縣止留木村  
諸寨嘉靖七年改爲土縣丞累傳至應璧順治十五  
年歸附應璧傳子仕發仕發傳子承綱承綱傳子洪  
贊累傳至雲錦見襲職屬印江縣

省溪長官楊氏管省溪諸寨其先有楊政德者陝西  
華州人明洪武五年以功授長官累傳至秀銘順治  
十五年歸附秀銘傳子再位再位傳子懋源累傳至



建東見襲職無號紙印信屬銅仁府

省溪副長官戴氏管省溪八洞諸寨其先有戴子美者江西廬陵人宋代以功授土知州洪武時改爲副長官其傳至以正順治十五年歸附以正傳子聖心聖心累傳至應龍見襲職無印信屬銅仁府

提溪長官楊氏管提溪諸寨其先有楊秀纂者山西陽曲人明洪武五年以功授長官累傳至通正順治十五年歸附通正傳子光璽光璽傳子昌玉昌玉數傳至永鐸見襲職無印屬銅仁府

提溪副長官張氏管提溪三洞諸寨其先有張秉仁

皆張恢之仙也明洪武五年授副長官累傳至體泰

順治十五年歸附體泰傳從子懋禧懋禧傳子運隆

隆傳子鴻翼鴻翼數傳至前光見襲職無印屬銅

仁

烏羅長官楊氏管烏羅諸寨其先有楊通仁者陝西

華陰人五代時以功授州長元代加忠順校尉階數

傳至世雄明洪武五年改授長官又數傳至洪基順

治十五年歸附洪基傳子振崧振崧傳子再璽再璽

傳叔父振昆振昆數傳至士宦見襲職有印屬松桃

廳



烏羅副長官冉氏管烏羅諸寨其先有冉如龍者陝西三元人元代以功授沿邊溪洞萬戶明洪武五年改授思南宣慰辦事長官傳至興祖永樂十一年改授烏羅副長官累傳至天臣順治十五年歸附天臣傳子奇毓奇毓傳弟奇瑄奇瑄傳從子永遐數傳至正蔭見襲職無印屬松桃廳

平頭長官楊氏管平頭諸寨其先有楊正德者陝西華陰人明洪武五年以功授省溪長官二十九年改授平頭長官累傳至昌續順治十五年歸附昌續傳子任勝任勝傳子秀岱秀岱傳子再澄再澄傳弟再

歷再歷卒其妻郭氏代理又數傳至承堯見襲職無印屬松桃廳

平頭副長官田氏與長官楊氏同管平頭諸寨其先有田弼者陝西藍田人洪武五年以功授副長官累傳至茂功順治十五年歸附茂功傳子仁任仁任數傳至慶延見襲職無印屬松桃廳

石阡副長官楊氏不管村寨其先有楊九龍者山西太原人累傳至敬勝順治十五年歸附敬勝傳子崧秀崧秀傳子再知再知傳子正旦正旦傳子芳名芳名數傳至承恩見襲職無印屬石阡府



都勻長官吳氏管吳家司壘上諸寨其先有吳賴者  
廣東人明洪武十六年以功授副長官再傳至正景  
泰三年改授長官又數傳至玉順治十五年歸附玉  
傳子鴻業鴻業傳子天柄天柄數傳至琳見襲職無  
印屬都勻府

邦水長官吳氏管邦水谷蒙諸寨其先有吳尙通者  
應天府人明洪武二年以功授副長官尙通傳子珊  
永樂十六年升長官累傳至昌祚順治十五年歸附  
昌祚傳子鼎乾鼎乾傳子帥生帥生傳子承業承業  
累傳至毓祥見襲職無印屬都勻府

都勻副長官王氏管王家司上垣諸寨其先有王普  
院者四川人明洪武六年以功授都勻司頭目正統  
十六年其孫某以功升授副長官累傳至應祖順治  
十五年歸附應祖傳子威烈威烈傳孫愷愷傳子正  
綱正綱傳弟正紀正紀累傳至某某卒其子幼妻魏  
氏見代理無印屬都勻府

平州土把總楊氏管平州諸寨其先有王平麻者江  
西九江人明洪武初以功授平州六洞長官順治初  
歸附累傳至武功以貪殘革職尋授其子之楚爲平  
州外委土把總之盛爲六洞外委土把總之楚累傳



至某某妻曾氏代理屬都勻府

六洞土把總王氏管六洞諸寨其先有王之盛者王武功子也授外委土把總累傳至某見襲職屬都勻府

天坝土千總天氏管天坝諸寨其先有天阿路者廣西慶遠人明洪武初以功授長官累傳至應祿順治時歸附尋為黑苗所殺傳至世臣康熙五十九年以不法革職降授其子為外委土千總累傳至象元見襲職屬八寨同知

上牌土把總王氏管上牌諸寨其先有王宗貴者雍正十三年征苗有功授外委土把總累傳至恩榮見襲職屬八寨同知

中牌土把總雷氏管中牌諸寨其先有雷起鳳者清平縣人雍正十三年以功授外委土把總累傳至鎮字見襲職屬八寨同知

下牌土把總楊氏管下牌諸寨其先有楊先榮者都勻縣人雍正十三年征苗有功授外委土把總累傳至元春見襲職屬八寨同知

歸仁營土千總白氏管歸仁營諸寨其先有白登科者獨山州人雍正六年以功授外委土千總累傳至



應華見襲職屬都江通判

順德營土千總張氏管順德諸寨其先有張純熙者  
獨山州人雍正八年以功授外委土千總累傳至鳳  
麟見襲職屬都江通判

鷄講土千總黃氏管鷄講諸寨其先有黃正色者清  
平縣人雍正六年以功授外委土千總累傳至廷楷  
見襲職屬丹江通判

黃茅土千總劉氏管黃茅諸寨其先有劉漢宗者清  
平縣人雍正六年以功授外委土千總累傳至啓棻  
見襲職屬丹江通判

烏壘七千總余氏管烏壘諸寨其先有余凱者雍正  
十三年以功授外委土把總累傳至江見襲職屬丹  
江通判

獨山土同知蒙氏管金寨諸寨其先有蒙聞者鳳陽  
府人明洪武二年以功授獨山長官累傳至政景泰  
二年升土同知又累傳至一龍順治十五年歸附一  
龍傳子嘉祚嘉祚傳子聖功聖功傳子璋璋傳弟剡  
剡傳子開智開智數傳至秉鈞見襲職無印屬獨山  
州

爛土長官張氏管爛土拉芒諸寨其先有張燦極者



明洪武初授長官燦極傳子鈞鈞累傳至威遠順治十五年歸附威遠傳從子大統大統傳弟大紀大紀傳子克承克承數傳至均見襲職無印屬獨山州豐甯長官王氏管上王堆諸寨其先有王萬全者江西吉水人明洪武二十三年以功授長官累傳至祐崇禎十年升宣撫使加總兵官再傳至懋功順治十五年歸附康熙二十六年改授長官懋功傳子承烈承烈傳子師震師震累傳至錦春見襲職有印屬獨山州

豐甯下長官楊氏管蠻落諸寨其先楊萬全之支子

也明代授長官崇傳至威遠順治十五年歸附威遠傳子宏勳宏勳傳子於彤於彤傳弟於庭於庭傳子繼震繼震數傳至治平見襲職無印屬獨山州

三棒土舍楊氏管三棒諸寨其先楊萬全之支子也世爲土舍明末授長官康熙十九年復降爲外委土舍累傳至楊錦爵見襲職屬獨山州

普安土舍張氏管普安諸寨其先爛土長官張鈞之支子也世爲土舍明末授長官康熙十九年復降爲外委土舍累傳至榮宗見襲職屬獨山州

平定長官吳氏管鷄東諸寨其先有吳忠者明洪武



十年以功授長官累傳至士爵順治十五年歸附士爵傳子懋勳懋勳傳子光岐光岐數傳至豫瓌見襲職有印屬麻哈州

樂平長官宋氏管樂平坦芒諸寨其先有宋仁德者真定府人明洪武初以功授長官累傳至治政順治十五年歸附治政傳子金印金印傳子潢潢數傳至世祥見襲職無印屬麻哈州

宣威營土舍蒙氏管宣威諸寨其先獨山長官蒙聞之支子也世爲上舍順治初歸附累傳至錫源見襲職屬麻哈州

養鵝土千總王氏管養鵝諸寨其先有王瑯者江西吉安府泰和人明洪武初授平浪長官康熙五十年降爲養鵝外委土千總累傳至夢麟見襲職屬麻哈州

樂戶西土舍樂氏管樂戶西諸寨其先有樂進者應天府人明洪武初授土目明末改授長官康熙三十年降爲外委土舍累傳至洪音見襲職屬麻哈州麻哈司土舍宋氏管麻哈諸寨其先有宋子孝者真定州人明洪武初授長官明末降爲外委土舍累傳至炳見襲職屬麻哈州



麻哈舊司土舍宋氏管舊司諸寨其先宋子孝之仙也明末授土舍累傳至開基見襲職屬麻哈州

凱里巖頭土千總淳氏管巖頭諸寨其先有淳毓奇者四川重慶府人雍正十三年以功授外委土千總累傳至佳麟見襲職屬清平縣

臻洞土千總劉氏管臻洞諸寨其先有劉祚遠者清平人雍正十三年以功授外委土千總累傳至惟鈴見襲職屬清平縣

落榜土把總孫氏管落榜諸寨其先有孫塾舉者清平人雍正十三年以功授外委土把總累傳至文炳

見襲職屬清平縣

潭溪長官石氏管潭溪諸寨其先有石平者河南符人洪武四年以功授長官累傳至五十四年歸附玉柱傳子飛熊飛熊傳子銓銓傳子聲淳聲淳數傳至承基見襲職無印屬黎平府

潭溪副長官石氏管潭溪諸寨其先有石從滿者直隸滄州人明洪武二年以功授副長官累傳至巖順治十五年歸附巖傳子化玉化玉傳子銘勳銘勳累傳至如明見襲職無印屬黎平府

八舟長官吳氏管八舟諸寨其先有吳昌祚者豫章



人漢時爲邑長累傳至金骨明洪武時授長官其後  
又累傳至遇主順治十五年歸附遇主傳子洪化洪  
化傳子伯伯傳子存仁存仁累傳至紹先見襲職無  
印屬黎平府

新化長官歐陽氏管新化諸寨其先有歐陽萬明者  
江西泰和人元代以功授長官明初因之累傳至瑾  
順治十五年歸附瑾傳子永昌永昌傳子繼修繼修  
數傳至本光見襲職有印屬黎平府

洪州長官李氏管洪州青特洞諸寨其先有李德璵  
者江西泰和人元代授鎮遠土僉事明洪武五年改  
授洪州長官累傳至煦順治十五年歸附煦傳子天  
章天章傳子慶錫見襲職有印屬黎平府

洪州副長官林氏管洪州大斗小斗諸寨其先有林  
榮輔者江西泰和人明洪武五年以功授副長官累  
傳至起鵬順治十五年歸附起鵬傳子登科登科傳  
子天錦天錦數傳至秀棠見襲無印屬黎平府

歐陽長官陽氏管理歐陽諸寨其先有陽都統者江  
西太和人明洪武五年以功授長官累傳至運洪順  
治十五年歸附運洪傳子仁修仁修傳子進賢進賢  
累傳至之江見襲職有印屬黎平府



歐陽副長官吳氏與陽氏同管歐陽諸寨其先有吳子林者江西泰和人明洪武三年以功授副長官累傳至登科順治十五年歸附登科傳子朝選朝選傳子治國治國傳子之佐之佐累傳至光亮見襲職無印屬黎平府

龍里長官楊氏管龍里諸寨其先有湯光福者江西豐城人明洪武四年以功授長官累傳至勝梯順治十五年歸附勝梯傳子秀穎秀穎傳子再昇再昇傳子正位正位累傳至紹奇見襲職有印屬黎平府

亮寨長官龍氏管亮寨諸寨其先有龍政忠者江西

泰和人明洪武四年以功授長官累傳至文炳順治十六年歸附文炳傳子起雲起雲傳子沛沛傳子紹儉紹儉數傳至家模見襲職有印屬黎平府

中林長官楊氏管中林諸寨其先有楊盛賢者江西泰和人明洪武五年以功授長官累傳至應詔順治十五年歸附應詔傳從孫士美士美傳從子其渭其渭數傳至積發見襲職有印屬黎平府

古州長官楊氏管古州羅里諸寨其先有楊秀茂者江西泰和人明洪武五年以功授長官累傳至雲龍順治十五年歸附雲龍傳子鼎霞鼎霞以事革職傳



子紹榮紹榮傳弟芳世芳世傳子朝元朝元累傳至  
占先見襲職有印屬黎平府

湖耳長官楊氏管湖耳諸寨其先有楊再祿者江西  
豐城人明洪武五年以功授長官累傳至通朝順治  
十五年歸附通朝傳子光彩光彩傳子昌元昌元累  
傳至鎮見襲有印屬黎平府

湖耳副長官楊氏管湖耳高寨諸寨其先有楊總管  
者江西泰和人明洪武時以功授長官累傳至大勳  
順治十五年歸附大勳傳子洪引洪引傳子秉仁秉  
仁傳應震應震以事革職弟應昌襲數傳至起亨見

襲職無印屬黎平府

三郎土舍楊氏管三郎諸寨其先有楊秀茂者江西  
泰和人明初以功授土目明末改授長官順治時歸  
附傳至世勳康熙二十三年以議叙土司不準承襲  
降為外委土舍又數傳至越見襲職屬黎平府

岑台土千總楊氏管岑台諸寨其先有楊士奇者雍  
正六年以功授外委土千總累傳至翰枝見襲職屬  
古州同知

六百土千總楊氏管六百諸寨其先有楊茂枝者雍  
正六年以功授外委土千總累傳至白珩見襲職屬



古州同知

滾縱土千總劉氏管滾縱諸寨其先有劉雲章者雍正六年以功授外委土千總累傳至義韓見襲職屬古州同知

八開土千總林氏管八開諸寨其先有林天錦者雍正六年以功授外委土千總累傳至文溥見襲職屬古州同知

八衛土千總吳氏管八衛諸寨其先有吳宏熙者雍正六年以功授外委土千總累傳至之屏見襲職屬古州同知

樂鄉土千總衛氏管樂鄉諸寨其先有衛邦彥者雍正六年以功授外委土千總累傳至國棟見襲職屬古州同知

高表土把總李氏管高表諸寨其先有李大有者雍正六年以功授外委土把總累傳至含馨見襲職屬古州同知

平江土把總楊氏管平江諸寨其先有楊勝模者雍正六年以功授外委土把總累傳至正秀見襲職屬古州同知

佳里土千總楊氏管佳里諸寨其先有楊舒萼者雍正



正六年以功授外委土千總累傳至廷標見襲職屬  
下江通判

平正土把總楊氏營平正諸寨其先有楊鳴鳳者雍  
正六年以功授外委土把總累傳至文源見襲職屬  
下江通判

黔南職方紀略卷八終

黔南職方紀略卷九

貴州布政使安化羅繞典輯

苗蠻

昔炎帝娶赤水之子聽訛生炎居赤水即羅斛紅水  
江蓋上世貴州地常為聲名文物之邦故其君長與  
帝室聯姻及蚩尤代炎帝為政尚利好殺不恥淫奔  
民間化之于是跳月劫奪之風起矣故書曰延及平  
民罔不寇賊鴟義奸宄奪攘矯虔及高辛氏之衰有  
三苗氏者據洞庭彭蠡間以為國復行蚩尤之政好  
誑信鬼其威勢所及被于今滇黔蜀粵民皆從其化



于是聲名文物之邦遂成蠻俗苗之名由此以起帝  
堯代高辛爲天子使重黎攻三苗克之其後復叛帝  
舜攝政使禹攻滅之竄其君于三危洞庭彭蠡間遂  
列于中國其遺民在赤水北者被三苗化已久不可  
改帝舜惡之列于荒服故書曰分別三苗周僖王時  
有國名牂柯者畏齊桓公之威遣使貢獻于天子蓋  
亦苗之君也戰國時楚將莊矯滅牂柯時蔡侯久爲  
楚所滅遂遷其公族于牂柯于是苗中有蔡家子矣  
漢武帝滅且蘭置牂柯郡遷蜀之大姓龍傅董尹于  
其地于是苗中有龍家子矣武侯定南中令大姓各

長率其部曲建甯大姓羅濟火者有部曲于牂柯夜  
郎間號爲羅甸隋唐之際蠻中推雄長者爲鬼主其  
民遂稱羅氏鬼主爲羅鬼譌爲鹿盧後又譌爲猓獠  
大姓中有宋氏者諸部遂以酋長之姓名其部于是  
苗中有宋家子矣晉代邛笮間有山獠蓋卽武王時  
髦人也其種蔓延于今之黔粵諸蠻種多役屬之遂  
名其役屬之蠻爲僕獠其獠人則謂之主獠其後主  
獠譌爲獠狢僕獠譌爲木狢至唐貞觀二年明州山  
獠反交州都督李道彥擊走之高宗時剡州獠反都  
督謝萬歲討之此又諸獠之始也五代時楚王馬希



黑南聯方紀略卷九  
二  
範遣兵戍南甯因命之世守其地其部眾欲自異于諸蠻因以其主帥之姓爲號遂號爲仲家又譌爲狝家故今狝苗猶以貴種驕諸苗東晉時命謝氏世爲牂柯太守及侯景亂梁牂柯與中國不通而謝氏保境如故至唐時牂柯又分裂于是有東西謝之稱其後遂以名其部族曰東苗西苗漢末大姓有季氏者居牂柯其部族號季子其後譌爲夷子又譌爲蟻子又譌爲猓子宋儂智高爲狄青所敗走泗城廣南諸府于是南中有儂家子矣播州楊氏其族屬之在貴州者曰狝猓漢末大姓有趙氏者其後譌爲天家又

有童氏者其部族卽爲童家苗人各以衣服別其種類于是有白苗花苗青苗黑苗紅苗花苗之別種有喇巴苗青苗之別種有青頭苗紅苗之別種有紅頭苗黑苗之別種有高坡苗山苗狝猓之別種有披袍狝猓鍋圈狝猓打牙狝猓打鐵狝猓青狝猓紅狝猓猪猓狝猓兜猓猓之別有羅鬼白猓猓黑猓猓童家之別有老土里民子龍家之別有狗耳馬襜又有紫薑苗者唐紫薑縣令之部曲也其後散處今貴陽平越間又有鴨子苗洞苗六額子夔人鴉雀花兜猓猓狝猓猓猓諸苗不知起自何時也大氏貴州所有苗種



凡五十有二曰白苗曰花苗曰青苗曰黑苗曰紅苗  
曰山苗曰高坡苗曰青頭苗曰紅頭苗曰喇巴苗曰  
狃家苗曰蔡家苗曰宋家苗曰農家苗曰狗耳農家  
曰馬韃苗曰裨子曰狎獵曰天家苗曰西苗曰東苗  
曰童家曰里民子曰老土曰獯鬼曰黑獯曰白獯  
獯曰補獵曰紫薑苗曰狃狃曰披袍狃狃曰鍋圈狃  
狃曰打牙狃狃曰打鐵狃狃曰青狃狃曰紅狃狃曰  
狃獠曰狃兜曰狃狃曰鴨子苗曰洞苗曰六額子曰  
熨人曰熨耳子曰鴉雀苗曰獯人曰狃人曰狃人曰  
獯人曰狃人曰獯人今以各種之風俗列之于前而

以其所居之地附之於後

白苗

花苗

青苗

黑苗

紅苗

山苗

青頭苗

紅頭苗

喇巴苗

高坡苗

狃家苗

蔡家苗

宋家苗

農家苗

狗耳農家

馬韃苗

裨子

狎獵

天家苗

西苗

東苗

童家苗

里民子

老土

獯鬼

黑獯

白獯



白猓獾 補猓 紫薑苗

狃猪 披袍狃猪 鍋圈狃猪

打牙狃猪 打鐵狃猪 青狃猪

紅狃猪 狃猪 狃兜

狃猪 鴨子苗 洞苗

六額子 犍人 犍耳子

鴉雀苗 花兜苗 猓人

狃人 狃人 獐人

貴筑苗種 長寨苗種 貴陽苗種 定番苗種

大塘苗種 羅斛苗種 廣順苗種

開州苗種 龍里苗種 貴定苗種

修文苗種 安順苗種 普定苗種

郎岱苗種 歸化苗種 永甯苗種

鎮甯苗種 安平苗種 清鎮苗種

大定苗種 水城苗種 平遠苗種

黔西苗種 威甯苗種 畢節苗種

興義苗種 貞豐苗種 冊亨苗種

興義苗種 安南苗種 普安縣苗種

普安苗種 興義縣苗種 正安苗種

普安苗種 興義縣苗種



綏陽苗種

桐梓苗種

仁懷苗種

仁懷苗種

平越苗種

甕安苗種

餘慶苗種

思州苗種

玉屏苗種

鎮遠苗種

鎮遠縣苗種

台拱苗種

清江苗種

黃平苗種

施秉苗種

勝秉苗種

天柱苗種

安化苗種

銅仁苗種

松桃苗種

石阡苗種

都勻苗種

都勻縣苗種

八寨苗種

都江苗種

丹江苗種

獨山苗種

麻哈苗種

荔波苗種

清江苗種

黎平苗種

古州苗種

下江苗種

永從苗種

白苗貴陽定番大塘廣順開州貴筑龍里貴定修文  
 歸化黔西清江黎平皆有之衣尚白短僅及膝男子  
 科頭赤足婦人盤髻長簪每歲孟春合男女于野謂  
 之跳月擇平地為月場鮮衣豔粧男吹蘆笙女振響  
 鈴旋躍歌舞謔浪終日暮挈所私而歸比曉乃散祀  
 祖擇大牯牛頭角端正者飼及茁壯合各寨有牛者  
 鬥于野勝即為吉鬥後卜吉斫牛以祀主者服白衣  
 青套紅裙寬腰裙祭後合親族高歌暢飲其性慧而



黑南聯人系田老九  
厲轉徒不常常為人顧役墾田

花苗貴陽定番大塘廣順開州貴筑貴定修文安順  
郎岱歸化永甯鎮甯普定清鎮大定平遠黔西威甯  
水城畢節鎮遠施秉勝秉天柱黎平皆有之無姓氏  
衣用敗布緝條以織無衿窠而納諸首男子以青布  
裹頭婦人斂馬鬢尾雜髮爲髮大如斗籠以木梳衣  
裳先以蠟繪花于布而後染之既染而去蠟則花見  
飾袖以錦故曰花苗其跳月之習與白苗同聘資視  
女之妍媸爲盈縮遇喪則屠牛召戚遠近各攜酒肉  
以爲賻環哭盡哀葬不用棺斂手足而瘞之卜地以

雞子擲之不破者爲吉病不服藥惟禱于鬼宰牲磔  
雞往往破家終不悔悟以六月爲歲首其性鷲而畏  
法其俗陋而力勤在鎮遠黎平者有張陸姚李朱潘  
楊吳諸姓

青苗貴陽長寨定番大塘羅斛廣順貴筑龍里貴定  
修文安順郎岱歸化鎮甯普定安平清鎮大定黔西  
皆有之衣尚青男子頂竹笠躡履出入必佩刀性强  
悍好鬥婦人以青布製如華山巾蒙首衣止及腰裙  
長掩膝娶婦跳月與白苗同凡喪葬結姻皆以牛爲  
禮物病不服藥惟祈鬼信巫通曉漢語



黑苗黃平鎮遠台拱清江鎮遠縣施秉勝秉天柱平  
越都勻八寨都江丹江獨山麻哈都勻縣清平黎平  
永從皆有之衣短尙黑婦人縮長簪耳垂大環掛銀  
圈于項以五色錦緣袖男女跣足陟巉崖捷如猿猱  
勤耕樵女子更勞苦日則出作夜則紡績食惟糯米  
春之甚白炊熟成圈以手掬食得羔豚雞犬鵝鴨連  
毛置之甕中俟其臭腐生蛆而後食名曰醃菜珍爲  
異味寒無重衣夜無臥具在麻哈者遷徙不常

紅苗安化銅仁銅仁縣松桃遵義皆有之衣用綵絲  
牲畜皆拮殺以火去毛微煮帶血而食每歲正月寅  
日夫婦異寢不敢言不出戶以避鬼謂犯之則爲虎  
所傷性好爭鬥其在銅仁遵義者有石麻田龍等姓  
山苗黑苗別種也長寨下江古州有之服食與黑苗  
同

青頭苗青苗別種也惟遵義縣有之服食與漢民同  
紅頭苗紅苗別種也遵義綏陽桐梓仁懷皆有之服  
食與漢民同

喇巴苗水城有之花苗別種也服食與花苗同

高坡苗黑苗別種也黎平開泰永從有之服食與黑  
苗同



狝家苗貴陽長寨定番大塘開州貴筑龍里貴定修文安順郎岱歸化永甯鎮甯普定安平清鎮大定平遠黔西威甯水城興義興義縣貞豐安南普安縣普安廳冊亨平越甕安餘慶都勻獨山麻哈都勻縣皆有之五代時楚王馬殷自邕管遷來有班莫柳文龍諸姓男子皆薙髮以青布裹頭衣服與漢人同婦人以花布蒙髻細褶長裙多至二十餘幅衣甚短拖腰以綵布一幅若綬仍以青布襲之性勤于織以十二月爲歲首斂牛馬雞犬骨以米糝和之作醕至酸臭以爲佳稱富積者則曰貯醕幾世矣婚姻皆苟合每

歲孟春跳月以綵布爲小毬謂之花毬視所歡者擲之奔而不禁聘用牛以姿色定聘資多至三五十頭喪則屠牛召戚友以大甕貯酒執牛角灌飲主人不食肉止啖魚鰕葬用棺以繖蓋墓上期年而火之祭用枯魚歲首擊銅鼓爲歡病不服藥尙巫鬼間有入學者

蔡家苗貴陽貴筑龍里修文郎岱普定安平清鎮大定平遠黔西水城皆有之春秋時蔡爲楚所滅俘其民遷之南徼遂流爲苗男子製氊爲衣婦人以氊爲髻飾以青布狀若牛角高尺許長簪縮之短衣長裙



翁媪不遜言居喪不食米肉惟食稗粥猶存古禮宰牲聚親屬吹笙跳舞名曰做憂

宋家苗貴陽貴筑黔西有之男子帽而長衿婦人笄而短襟將嫁男家遣人往迎女家則率親戚簪楚之謂之奪親旦則進盥于姑男女燂湯以沐三日而罷喪親飯疏飲水二十一日葬封而識之若馬鬣男子勤耕織知禮畏法通漢語多讀書入府縣學者

獯家苗安順普定清鎮平遠黔西舉節皆有之男子雉髮與漢人同婦人以布一幅摺方巾蒙首短衣長四尚青白色勤于耕織有讀書入學者

耳獯家苗獯家別種也鎮甯及興義縣大定有之男子束髮不冠婦人辮髮螺髻上指狀若狗耳衣班衣用五色藥珠爲飾貧則以薏苡代之春日立竿于野男女旋躍而擇配既奔則女氏之黨以牛馬贖之方通媒妁

馬韃苗亦獯家別種也仁懷廳有之衣服風俗同漢人

獯子威甯畢節有之男子薙髮女飾髮以髭衣尙白冬夏皆白氈笠其性淳樸爲夷中良民

獯獯定番都勻石阡施秉龍泉黎平皆有之其室以



荆爲壁不塗飾門戶不扃出入以泥封之服飾與漢人同男子計口而耕婦人度身而織婚以牛馬爲聘喪事則宰牛馬以笄有楊龍張石歐等姓

天家苗平越有之男女衣俱尙青女工紡織善染以十一月爲歲首祀祖必以家長主祭其性柔順不喜鬥勤儉安貧不爲盜賊近亦有讀書之人

西苗平越黃平甕安清平古州皆有之男以青布纏首白布裹腿婦人挽髮盤頭上插木梳每歲十月收穫後置牡牛于平壤每寨三五頭延善歌祝者着大氊衣腰褶如圍忌著皮鞞頂大氊帽導于前童男女

百數十輩青衣彩帶相隨于後歷三晝夜乃殺牛以祭謂之賽豐年除夕各置雞酒呼合家老幼姓名謂之叫魂其性情質實畏法少爭訟有謝馬何羅盧諸姓

東苗平越麻哈有之有族無姓衣尙淺藍色短不及膝以花巾束髮婦人衣花衣無袖惟兩幅蔽前後著細褶短裙跳月與花苗同中秋祭先祖及親戚遠近之亡故者擇牡牛頭角正者爲佳時其水草飼至禾熟牛肥釀酒斫牛召親屬聚飲歌唱延鬼師于頭人家以木板置酒饌循序而呼鬼名竟晝夜乃已春



獵于山獲禽亦必以祭畏見官長有不平但聽鄉老  
決之急公服役比于良民

童家苗威甯有之服食與漢人同

里民子水城有之服食同童家

老土威甯有之服食同里民子

羅鬼安順鎮甯平遠有之其性愚男子皆薙髮服食  
與漢人同色尙青以青布裹首婚姻通媒妁病不服  
藥惟事祈禱

裸羅郎岱永甯黔西水城畢節興義興義縣安南普  
安廳仁懷皆有之男子服青白布女人辮髮用青布

纏首戴梅花耳垂大銀環衣裙皆長裙以二十餘幅  
布爲之婚姻以馬匹爲聘死者擇野地蓋高棚名曰  
翁車親戚以牛酒致祭哭泣盡哀弔者各率子弟執  
竹圍繞病不服藥信巫鬼性頑梗尙知守法在仁懷  
者風俗同漢人在普安廳者白剛夷

黑裸羅大定威甯貞豐普安縣普安廳皆有之其人  
深目長軀黑面白牙鉤鼻薙髭而留髯以青布裹首  
籠髮而束于額若丫角狀短衣大袖平居畜馬好馳  
騁習標鎗以射獵爲業

白裸羅裸羅中賤種也大定威甯貞豐普安普安廳



皆有之飲食無盤盂以三足釜灼毛醋血無論鼠雀  
蝼蝻蠕動之物攫而燔之攢食若彘人死以牛馬皮  
革裹而焚之以販茶爲業性强嗜酒尙知畏法  
補獯儂智高部曲也羅斛歸化有之男子用青布束  
首以青藍布爲衣女子以白布爲衣青布爲裙蘿髮  
通漢語以十二月爲歲首男女歡宴吹笙歌唱以爲  
樂俗與狝家略同  
紫薑苗平越甕安有之輕生好鬥以十一月爲歲首  
至其閉戶把息七日而後啟犯者以爲不祥通漢語  
亦有讀書者

犵狁貴陽修文安順郎岱永甯普定清鎮大定黔西  
普安廳餘慶鎮遠鎮遠縣遵義桐梓皆有之男服青  
藍布女則長衣短裙自織葛爲之繫布帶盤頭插梳  
婚姻以牛爲聘其性剛然畏法亦能讀書學藝在遵  
義桐梓者服食同漢人

披袍犵狁鎮甯平遠水城有之衣服樸陋婦人以青  
綫紫髮披青布帶綴海巴于上衣長僅尺餘上披以  
袍袍方而闊洞其中從頭籠下前短後長左右無袖  
裙以五色羊毛織成亦無摺其性淳謹力耕作多鑄  
犁以營生



鍋圈狽狽安平大定有之男子以葛織斜文爲衣女人以青布束髮如鍋圈狀短衣長裙無裙病則延巫置虎頭一具用五色紙裝飾置簸箕內禱之葬則側置其屍謂使其不知歸家其俗嗜酒惰于耕作

打牙狽狽平遠有之婦人以青羊皮織爲長桶裙將嫁必先打其二齒恐妨夫家翦前髮而留後髮取齊眉之意其性剽好鬥

打鐵狽狽平遠有之服食與打牙狽狽同

青狽狽仁懷有之服食與漢民同

紅狽狽仁懷有之服食與漢民同

狽狽修文安順大定有之薙髮梳辮著青短布衣繫布帶屋宇去地數尺架以巨木上覆杉葉如羊棚謂之羊樓其人悍而善鬥

狽兜修文黃平清平鎮遠有之男子梳盤頭著大領花藍衣女子短衣偏髻繡五色于胸袖間背負海巴如貫珠狀人多嗜酒

狽狽貴定平越黃平甕安都勻麻哈清平有之男子服食與漢人同娶婦異寢生育後乃同室狽悍善陶冶孟冬祀鬼以草爲龍插五色紙旂至郊祭之亦有讀書入府縣學者有王黎金文等姓



鴨子苗貴定有之服食與青苗同

洞苗歸化思州玉屏鎮遠清江黎平古州下江開泰永從皆有之男女俱衣青藍布衣好披簷留髮成髻不通漢語

六額子黔西有之衣尙白男子結髮爲尖髻形似螺婦人長衣無裙病多祀鬼喪葬用棺男女勤于耕織向有因病掘祖骨刷洗之風今已革

夔人威甯興義縣貞豐普安縣普安廳有之男子披氊不沐浴六月二十四日爲度歲朔望持齋梵誦通各苗語

夔耳子水城有之服食同夔人

鴉雀苗遵義正安綏陽仁懷桐梓皆有之服食同漢民

花兜苗石阡有之服食同漢民

徭人荔波有之男女衣尙青長不過膝勤于耕種暇則入山採藥沿村行醫歲時祀槃瓠雜魚肉酒飯而盛之男女成列連袂而舞相悅者負之而去遂成婚媾

狄人都勻都江獨山荔波黎平皆有之其風俗嗜好略同徭人



猺人荔波有之風俗嗜好略同獠人

獠人荔波有之服食同獠人

猺人荔波有之風俗嗜好略同獠人

獠人荔波有之風俗嗜好略同獠人

貴陽府親轄地有苗七種一曰白苗居中曹正副高

坡石板諸寨二曰花苗居龍場猪場鷺絲羊堰諸寨

三曰青苗居麥西中坝蘆塘諸寨四曰狃苗居阿所

平山瓦窰諸寨五曰蔡家苗居青崖桐木開花諸寨

六曰宋家苗居苗排掌排八甲諸寨七曰狃猪苗居

白納正司白納副司騎龍甲斗諸寨

貴筑縣有苗五種一曰青苗二曰花苗三曰狃家苗

四曰蔡家苗五曰宋家苗皆散處四鄉與漢人雜居

長寨廳有苗三種一曰狃家苗居者貢谷龍擺偷古

羊諸枝二曰青苗居長寨板蟲紀堵諸枝三曰山苗

居克孟古羊諸枝

定番州有苗四種一曰青苗居抹肘滿強谷把播麥

况九水牛諸寨二曰花苗居滿老列馬諸寨三曰狃

家苗居抵娘老麥諸寨四曰狃獍苗居大平諸寨

大塘有苗三種一曰狃家苗二曰花苗三曰白苗俱

居各土弁地



羅斛有苗二種一曰補獵苗居皈零凌蔣淥降諸亭  
二曰青苗居母運羅賴邕羊羅路諸亭

廣順州有苗三種一曰花苗居從仁里二曰白苗居  
來格里三曰青苗居忠順里

開州有苗二種一曰狝家苗二曰花苗俱與漢人零  
星雜處

龍里有苗三種一曰狝家苗與漢人零星雜處二曰  
白苗居東苗坡上中下三牌三曰青苗居羊場司元  
保谷大關口諸寨

貴定縣有苗六種一曰花苗屬土司管轄居甲惹擺  
朗擺金擺阿諸寨二曰白苗屬土司管轄居擺成擺  
卜甲佑諸寨三曰狝家苗居四鄉與漢人零星雜處  
四曰狝家苗居西北鄉木老按城鐵鑪花甲諸寨五曰  
青苗居安比菜苗甲蘇米孔阿那諸寨六曰鴨子苗  
居西鄉楊柳衝龍塘灣羅雍諸寨

修文縣有苗六種一曰花苗二曰青苗三曰蔡家苗  
四曰狝家苗五曰狝家苗六曰狝家苗俱散居四鄉  
與漢人零星雜處

貴州府親轄地有苗六種一曰狝家苗居水塘大寨  
甯谷龍潭諸寨二曰花苗居希堯枝高枝上九莊諸



寨三曰青苗居二起三起四起甯谷枝龍潭枝諸寨  
四曰狝猪居頭起甯谷沐官莊下段諸寨五曰獾家  
苗居大洞口宗樹討對木頭諸寨六曰羅鬼居阿得  
為籠窩枝諸寨

遵定縣有苗五種一曰獾家苗居大橋坡小張官屯  
諸寨二曰花苗居鏡蓋河平諸寨三曰狝猪居上里  
官定莊黑諸寨四曰青苗居新寨革利諸寨五曰神  
家苗居阿生白秧諸寨

郎岱縣有苗六種一曰青苗居花處費甲考棚諸寨  
二曰花苗居烏通木廠諸寨三曰神家苗居納色木

易諸寨四曰蔡家苗居西堡夏石諸寨五曰狝猪居  
六枝大蔓隴諸寨六曰獾羅居怯里平租諸寨

歸化廳有苗六種一曰花苗居於薛一枝革謝把壤  
諸寨二曰青苗居豬場磨南磨相諸寨三曰神家苗  
居火烘鼠場官寨諸寨四曰補獾居紅播播東場諸  
寨五曰白苗居羊場新寨石頭諸寨六曰洞苗居宗  
地龍場大營諸寨

永甯州有苗四種一曰神家苗二曰獾羅三曰花苗  
四曰狝猪俱居各土司地與漢人零星雜處

鎮甯州有苗五種一曰神家苗居火紅枝二曰獾鬼



卽青苗居阿破枝三曰花苗居七伯諸寨四曰披袍  
狍猪居補納枝五曰狗耳濃家居木岡枝  
安平縣有苗五種一曰青苗二曰花苗均居柔東柔  
西二里三曰狍家苗居雲頭山左所諸寨四曰鍋圈  
狍猪居西堡六弄諸寨五曰蔡家苗居西土牛諸寨  
清鎮縣有苗六種一曰蔡家苗居關口小車打磨衝  
諸寨二曰狍猪居中寨羊場河諸寨三曰獐家苗居  
吉仲長衝沙子坡諸寨四曰花苗居濫塘小谷籠大  
谷籠諸寨五曰青苗居士門黑土栗木諸寨六曰狍  
家苗居黃星青山大坡諸寨

大定府親轄地有苗八種一曰黑猓羅居馬羅諸寨  
二曰白猓羅居木杜以腳諸寨三曰獐家苗居阿凍  
工猓諸寨四曰蔡家苗居臘巴架猓諸寨五曰狍猪  
苗居黑著落以諸寨六曰狍家苗居阿路思母諸寨  
七曰青苗居荒得黑曲諸寨八曰花苗居姑勝覺諸  
寨

水城廳有苗八種一曰猓羅二曰狍家苗三曰披袍  
狍猪四曰蔡家苗五曰熨耳子六曰花苗七曰喇巴  
苗八曰里民子俱錯處境內各寨  
平遠州有苗八種一曰獐家苗居高家橋諸寨二曰



黑南職方紀略卷九  
花苗居長衝諸寨三曰獾鬼居把步諸寨四曰蔡家苗五曰披袍狍猪六曰狃家苗七曰打牙狍猪八曰打鐵狍猪俱零星散處境內各寨

黔西州有苗十種一曰狃家苗居溝治中寨諸寨二曰宋家苗居宋家溝諸寨三曰蔡家苗居打魚穿心諸寨四曰獾家苗居內莊善里諸寨五曰花苗居崇善牌沙諸寨六曰白苗居西城喫菜諸寨七曰百苗居新化天發諸寨八曰狍猪居普格以那諸寨九曰獾羅居羅園平定諸寨十曰六額子居宋家溝威甯州有苗八種一曰黑獾羅二曰白獾羅三曰宋

家苗四曰童家苗五曰花苗均居境內各里六曰狃子七曰老土八曰熨人均居境內各里與漢人雜處畢節縣有苗四種一曰獾羅居大比家曼諸寨二曰獾家苗居大比阿市諸寨三曰狃子苗居灣溪河口諸寨四曰花苗居家曼法郎諸寨

興義府親轄地有苗二種一曰狃家苗散處懷化永化二里二曰獾羅居懷德二里

貞豐州有苗四種一曰白獾羅二曰黑獾羅三曰狃家苗四曰熨人皆錯處境內各里  
冊亨州有苗一種曰狃家苗



興義縣有苗四種一曰猓羅居歸順狗場諸寨二曰  
狝家苗居南里北里諸寨三曰焚人居中左中右諸  
四曰猓家苗居捧鮮諸寨與漢人雜處

安南縣有苗三種一曰狝家苗二曰猓家苗三曰猓  
猓俱錯處境內各里

普安縣有苗四種一曰白猓羅二曰黑猓羅三曰狝  
家苗四曰焚人俱錯處境內各里

普安廳有苗六種一曰狝家苗二曰黑猓羅三曰白  
猓羅四曰剛夷猓羅五曰焚人六曰狝猓皆錯處境  
內各里

遵義縣有苗四種一曰紅頭苗二曰鴉雀苗三曰青  
頭苗四曰狝猓皆與漢人錯處境內

正安州有苗一種曰鴉雀苗與漢人錯處  
綏陽縣有苗二種一曰鴉雀苗二曰紅頭苗均與漢  
人錯處

桐梓縣有苗三種一曰鴉雀苗二曰紅頭苗三曰狝  
猓均與漢人錯處

仁懷縣有苗五種一曰猓羅二曰紅頭苗三曰青狝  
猓四曰紅狝猓五曰鴉雀苗俱零星錯處境內

仁懷廳有苗一種曰馬苗與漢人雜處



平越州有苗五種一曰竹家苗居唐寨平寨諸寨二曰狄猪居石板諸寨三曰西苗居楊義司四曰紫薑苗居楊義司五曰天苗居高坪司

甕安縣有苗四種一曰狄猪居烏毛衝木吃諸寨二曰西苗居啞籠谷雞諸寨三曰狄家苗居隆家新灣諸寨四曰紫薑苗居桐木衝百溪諸寨

餘慶縣有苗二種一曰狄猪二曰狄家苗均與漢人雜處

思州府親轄地有苗一裡曰山苗居後山洞諸寨玉屏縣有苗一種曰洞田錯處境內

鎮遠府有苗三種一曰洞田居邛水二里與漢人雜處二曰黑苗居抱金絞喬鬼丹鬼撒諸寨三曰狄猪居上敖諸寨

鎮遠縣有苗二種一曰狄猪居洞上溪諸寨二曰黑苗居苗度諸寨

清江廳有苗一種曰黑苗居八梗塘龍偏各土弁地諸寨二曰黑苗居柳霽富奮牌諸寨三曰白苗居柳袁姑歐姑章諸寨

黃平州有苗四種一曰黑苗居石家白楊坪諸寨二



曰狝猪居羅田塋毛栗坪諸寨三曰西苗居崖鷹塋

灰坑諸寨四曰狝猪居羅田塋毛栗坪諸寨

施秉縣有苗二種一曰黑苗二曰花苗皆錯處境內各里

勝秉有苗一種曰黑苗錯處境內各里

天柱縣有苗二種一曰花苗二曰黑苗俱錯處境內各里

安化縣有苗一種曰紅苗居四十八折諸寨

銅仁府親轄地有苗一種曰紅苗居石峴上石峴下狗牙石溪諸寨

銅仁縣有苗一種曰紅苗居關門溪狝猪溪婆洞老

箐塘毛溪柘桑坪諸寨

松桃廳有苗一種曰紅苗居正大汎麥地汎巖坳汎康金汎巴茅坪汎諸寨

石阡府親轄地有苗一種曰花兜苗與漢民雜處

都勻府親轄地有苗五種一曰黑苗二曰狝家苗三曰狝家苗四曰狝猪五曰狝獍俱與漢民錯處

都勻縣有苗二種一曰黑苗二曰狝家苗俱與漢民雜處

八寨廳有苗一種曰黑苗居上下牌各寨



黑南賸方紀圖卷九  
都江廳有苗二種一曰黑苗居甲找諸寨二曰狄苗居奪弄諸寨

丹江廳有苗一種曰黑苗散處境內各寨

獨山州有苗三種一曰黑苗居擺玖諸寨二曰狃家苗居旺堆諸寨三曰狄家苗居堯輝諸寨

麻哈州有苗四種一曰黑苗二曰東苗三曰狃狃四曰狃家苗俱巢居箐處遷徙無常

荔波縣有苗六種一曰狄苗二曰狃苗三曰狃苗四曰狃苗五曰狃人六曰獞人俱錯處境內十六里中清平縣有苗四種一曰黑苗居大平里舟溪諸寨二

曰狃猪居門樓諸寨三曰西苗居塚黨諸寨四曰狃鬼居麻塘諸寨

黎平府親轄地有苗六種一曰洞苗二曰黑苗三曰花苗四曰白苗五曰狃苗六曰高坡苗俱錯處各土司地

開泰縣有苗二種一曰洞苗二曰高坡苗俱錯處境內各寨

古州廳有苗五種一曰山苗二曰西苗均散處境內各寨三曰洞苗四曰獞人五曰狃人均與漢民雜處下江廳有苗三種一曰山苗二曰洞苗三曰獞人均



黔南職方紀略卷九  
散處境內各寨

永從縣有苗三種一曰黑苗二曰高坡苗三曰洞苗  
均散處境內各寨

黔南職方紀略卷九終

右黔南職方紀畧凡九卷爲道光季年前布政使  
羅公繞典所編輯於一省之府廳州縣建置沿革  
道里遠近以及土司苗蠻之職事種類源流備悉  
而於客民之有無置有苗產之戶口數目爲獨詳  
益以見

朝廷子惠苗民預防侵擾之至意守土者所當慎處而  
拊循也板存藩署有年余於蒞任初見其拋擲廳  
側畧一檢閱顛倒紊錯殘缺頗多爰飭工次第修  
補校對還其舊觀刷印百數十部頒發各屬俾共  
觀覽因思近日新學日興地理一條列爲專門即  
外洋各國疆域亦不憚詳求矧在本省職方顧可  
習焉而不察耶况又現經



林贊虞中丞奏定制正各屬插花地界開黔中數  
百年來之淑舉後此之長治久安於是乎在則此  
書爲尤不可忽也

光緒三十一年乙巳仲冬玉田袁開第跋







